


四庫全書考證

三六

舊



叢書集成


初編



王雲五編者

商務印書館發行

國家圖書館典藏
由國家圖書館數位化



四庫全書考證

(六十三)



082.47
743
36
四庫全書考證卷九十

集部

樂府詩集

古今歲時雜詠

嚴陵集


聲畫集

宋文鑑

五百家播芳大全文粹

崇古文訣

文章正宗



四庫全書考證

卷九十

三六七七

007506

樂府詩集 宋郭茂倩撰

李孝光序文

祝融之屬續謹案。祝融樂曰屬續。見於孝經緯鉤命訣。而周禮疏引之。又作屬讀。均與此異。顯頊之五莖。帝嚳之六英。漢書樂志作顯頊六莖。帝嚳五英。與此不同。

卷一

晉傅元饗神歌。不顯遺烈。案晉書樂志不作丕。與此小異。

卷二

宋謝莊明堂登歌。澤宮練辰。刊本辰訛服。據宋書樂志改。

卷三

齊謝朓迎神歌。停龍轡。刊本轡訛犧。據齊書樂志改。

齊謝朓歌。黑帝萬祚臻。刊本祚訛觀。據齊書樂志改。

梁沈約南郊登歌序。下而管象示事也。刊本闕下字。據禮記補。

北齊明堂樂歌。高明樂。龍虎奮。刊本虎作獸。蓋沿唐諱。據詩紀改。

卷四

周庾信祀園丘歌。昭夏大報反始。刊本始訛命。據庾子山集改。
周庾信祀園丘歌。登歌大呂歌。刊本大訛六。據庾子山集改。

卷五

唐武后明堂樂章。配饗笙鏞間鳴玉。刊本鳴玉訛玉宇。據舊唐書樂志改。

卷六

唐五郊樂章。黃帝宮音。旣彰六律。刊本彰訛長。據舊唐書樂志改。
唐五郊樂章。黑帝羽音。方祈來歲。刊本祈訛祚。據舊唐書樂志改。
唐祀九宮貴神樂章。福和錫茲純嘏。刊本純訛祝。據全唐詩改。

卷七

唐祭汾陰樂章。賈曾雍和。獨我饑饉。刊本饑訛漸。據全唐詩改。

卷八

漢安世房中歌。第十四章。浚則師德。四句案漢書樂志另作一首。

宋章廟樂舞歌。明帝昭德凱容樂。騰芬金石。刊本石訛會。據宋書樂志改。

卷九

齊太廟樂歌。謝超宗休成樂。國猷遠藹。刊本猷訛獻。據南齊書樂志改。

卷十

唐享太廟樂章大成舞周稱王季刊本稱訛穆今改。

唐張說享太廟樂章肅和躬裸鬱鬯刊本躬訛射。又臭以達陰刊本陰訛旨。並據全唐詩改。

唐張說享太廟樂章鈞天舞兵戢句驪刊本戢訛賦。據全唐詩改。

卷十一

唐儀坤廟樂章鄭善玉雍和籩豆靜嘉刊本嘉訛器今改。

唐儀坤廟樂章薛稷坤貞期乎億齡刊本期訛斯。據全唐詩改。

卷十二

漢宗廟樂舞辭章慶舞玉罍犧樽激灑刊本灑訛簞。據全唐詩改。

卷十三

晉張華宗親會歌綴食序親親刊本綴訛□。據禮記改。

卷十四

齊肆夏樂歌宣道以詩刊本詩訛時。據樂志改。

齊食舉歌第七首衍景祚刊本衍訛仁。據齊書樂志改。

梁三朝雅樂歌蕭子雲雅需第六首行葦之微猶勿踐刊本勿訛物。今改。

卷十五

周庾信五聲調曲。宮調曲第二首。沈首多推運。刊本首訛昔。據庾子山集改。
周庾信五聲調曲。羽調曲第三首。地不愛於黃銀。刊本愛訛受。據庾子山集改。

卷十九

宋歌吹鏡歌。君馬篇。雍容步中規。刊本規訛畿。據宋書樂志改。

卷二十

唐岑參凱歌六首序。于是授鉞常清。出師征之。刊本授訛受。據全唐詩改。

卷二十一

漢橫吹曲。梁元帝折楊柳。垂柳復垂楊。刊本柳訛楊。據古詩紀改。

卷二十三

漢橫吹曲。何妥長安道。五陵多任俠。刊本俠訛狹。據古詩紀改。

卷二十五

梁鼓角橫吹曲。鉅鹿公主歌辭小序。與北歌不同。刊本與訛興。據古詩紀改。

卷二十六

相和歌辭。蕭子雲角引。韶繼夏大備咸池。刊本大訛盡。據樂記改。

沈約江南曲。洲浦予自譜。刊本。洲訛舟。據百三名家集改。

卷二十七

張駿薤露。義士掘素腕。刊本。腕訛婉。據古詩紀改。

卷二十八

劉孝威烏生八九子。虞機衡網不得猜。鷹鷲隼搏無由遂。案詩紀。猜上有施字。隼下無搏字。與此不同。

卷二十九

石崇王明君。乘之以遐征。刊本。乘訛棄。據文選改。

張文琮王明君。戒途飛萬里。刊本。戒訛我。據全唐詩改。

古辭。王子喬接以上嵩高山。刊本。嵩訛蒿。據劉向列仙傳改。

卷三十

魏武帝短歌行。詩紀云。魏晉樂所奏與本辭同。但無越陌度阡以下八句。刊本。於悠悠我心下。脫但爲君

故沈吟至今二句。據魏武帝集增。

卷三十二

王粲從軍行。從軍征遐路以下。案文選及詩紀。均另作一首。刊本誤連上。今改正。

梁簡文帝從軍行。今歲討輪臺。刊本。討訛謝。據古詩紀改。

盧思道從軍行。犀渠玉劍良家子。刊本犀訛羣。據古詩紀改。

卷三十三

王建從軍行。回首不見家。首一作面。刊本一作面。誤註回字下。據全唐詩移正。
苦寒行。魏武帝。刊本武訛文。據魏武帝集及樂府解題改。

卷三十四

古辭董逃行。山頭危險大難言。案大難言。詩紀作道路難。

卷三十五

梁簡文帝長安有狹邪行。可憶復易尋。刊本尋訛津。據古詩紀改。

卷三十六

魏文帝秋胡行。俯折蘭英。刊本英訛黃。據古詩紀改。

卷四十一

陸機梁甫吟。寒暑自相承。刊本承訛懲。據陸機集改。
沈約梁甫吟。驚籜貫層林。刊本籜訛竿。據沈約集改。

卷四十三

王翰蛾眉怨。情知白日不可思。刊本情訛乘。據全唐詩改。

柯宗宮怨。黃昏獨立重廊。刊本闕黃昏二字。據全唐詩補。

卷四十四

晉宋齊辭。子夜四時歌。夏歌二十首之七。晝夜理機絲。刊本絲訛縛。據古詩紀改。

卷四十五

歡好曲三首之三。遙見情傾處。刊本處訛廷。改古詩紀改。

卷四十七

隋煬帝青溪小姑曲小序。引吳均續齊諧記。內有乃知昨所見。青溪神女也句。刊本昨訛得。據續齊諧記改。

李羣玉烏夜啼曲。層波隔夢渚。刊本渚訛時。據全唐詩改。

卷四十九

吳均白浮鳩曲。石頭龍尾彎。新亭送客渚。刊本渚訛者。據古詩紀改。

卷五十一

梁元帝採蓮曲。碧玉小家女。來嫁汝南王。刊本汝訛江。據古詩紀改。

鳳吹笙曲。載李白集。刊本訛沈。俚期。據全唐詩及李白集改。

溫飛卿陽春曲。廐馬何能齧芳草。刊本齧訛齒。據全唐詩改。

卷五十二

張華大豫舜歌。爰制大豫。宣德武功。刊本。爰訛受。今改。

王韶之前舞歌。於赫景明篇。案此與前舞凱容歌同。

王韶之後舞歌。假樂聖后篇。案此與後舞凱容歌同。

卷五十三

傅元羽籥舞歌。揚側陋。簡忠良。刊本。忠訛中。今改。

卷五十四

沈約梁鞞舞歌。望就踰軒頊。一首。案隱侯集。連上治兵戰六獸通爲一首。

李賀淮南王篇。繁舞寄聲無不泰。案晉書樂志。寄聲作寄歌。

卷五十八

孔子將歸操小序內。夫鳥獸之於不義也。刊本脫於字。據史記孔子世家增。

韓愈龜山操。周公有鬼兮。刊本。鬼訛思。據昌黎集改。

卷六十

宋之間綠竹引。含情傲睨慰心目。刊本。落睨字。據全唐詩增。

卷六十一

曹植當車已駕行。坐玉殿。案陳思王集。坐上有歡字。又侍行觴。刊本行訛打。今改。
元稹出門行。零夏鐘鼓繁。蔡秋玉帛積。刊本秋訛秩。據全唐詩改。

卷六十二

白居易悲哉行。悲哉爲儒者。力學不能疲。案能字。白香山集作知。

卷六十五

鮑照堂上歌行。雖謝侍君閒。明妝滯綺羅。刊本侍訛詩。據鮑明遠集改。

卷六十六

杜甫少年行。傾銀注玉驚人眼。刊本玉訛瓦。據杜集改。

沈炯長安少年行。杖策尋遺老。歌嘯咏悲翁。翁字複韻。各本同。

卷七十三

古辭焦仲卿妻小序。焦仲卿妻劉氏。爲仲卿母所遣。刊本遣訛遺。又辭內謂言無讐達。刊本讐訛誓。

又奄奄黃昏後。刊本奄訛菴。俱據樂府改。

卷七十四

梁元帝半路溪。摘贈蘭澤芳。欲表同心句。刊本摘訛滴。據古詩紀改。

卷七十五

韋應物三臺小序引李氏資暇錄刊本脫錄字案李濟翁有資暇錄今增錄字
謝朓曲池水鳥去能傳響見我測琴中刊本測字疑誤案清字古作測或係測字之訛
李商隱無愁果有愁曲東有青龍西白虎中含福星包世度刊本星訛皇據李義山集改
李白獨不見春蕙忽秋草莎雞鳴曲池刊本忽訛急據全唐詩改

卷七十六

吳均小垂手蛾眉與曼臉見此空愁人刊本曼訛慢據楚辭改
喬知之定情篇共君結新昏歲寒心未卜刊本心訛必又妖韶援綠蕙刊本妖訛交蕙訛籤韶字闕
又棄妾還金閨刊本棄妾訛妾棄又結言本同心刊本言字闕又終若流星馳下刊本脫天月相
終始流星無定期十字俱據全唐詩改增

卷七十八

王融法壽樂福應歌區中禔景福刊本禔訛提據古詩紀改

卷七十九

王建渡遼水亦有白骨歸咸陽塋塚各與題本鄉刊本塋塚訛營家據全唐詩改

卷八十一

薛能楊柳枝廢路新條發釣臺刊本脫釣字據全唐詩增

卷八十二

劉禹錫紇那曲。周郎一廻顧。聽唱紇那聲。刊本。周訛同。據全唐詩改。
李白宮中行樂詞。笛奏龍吟水。簫鳴鳳下空。刊本。吟訛鳴。鳴訛吟。並據全唐詩改。
李賀十二月樂辭內正月。寒綠幽風生短絲。刊本。風訛泥。據全唐詩改。

卷八十四

李商隱李夫人歌。蠻絲繫條脫。妍眼和香屑。刊本。妍眼二字闕。據全唐詩增。
西漢武帝瓠子歌。瓠子決兮將奈何。浩浩洋洋兮。閭殫爲河。刊本。閭訛慮。據史記改。

卷八十八

後漢桓帝初。城上烏謠。梁下有懸鼓。我欲擊之丞相怒。案丞相二字。後漢書五行志作承卿。
後漢靈帝末。京都童謠小序。少帝登躡至尊。案後漢書五行志。少帝作史侯。
吳孫亮初童謠。吁汝恪。何若若。蘆葦單衣幾鉤絡。於何相求。楊子閣。案後晉書五行志。楊作常。

卷九十

丁鶴公。子行。少年初拜大長秋。刊本。長訛常。據漢書改。
張祐公子行。輕將玉板敲花片。刊本。板訛杖。據全唐詩改。

卷九十一

楊巨源聖壽無疆詞十首刊本楊訛章據全唐詩改。

李益來從竇車騎曲漢將不封侯蘇卿還遠使刊本還訛來據唐詩改。

高適九曲詞小序河圖曰黃河北流千里至於恒雍刊本恒訛桓據水經注改。

卷九十二

僧貫休塞上曲騎羊上水如箭疾案騎羊卽渾脫也可下水而不能上水上字疑誤。

卷九十三

張仲素塞下曲傳聲漠北單于破刊本漠訛漢據全唐詩改。

卷九十四

劉禹錫秦娘歌月墮雲收從此始刊本收訛中據全唐詩改。

卷九十七

元稹新題樂府縛戎人古墓深林盡株櫓刊本株訛誅櫓訛捐並據全唐詩改。

白居易新樂府七德舞聖人有作垂無極刊本作訛祚據長慶集改。

卷九十八

又白居易驪宮高嬋嬋兮秋風刊本嬋嬋訛溺溺亦據長慶集改。

卷九十九

又白居易陵園妾年月多。春愁秋思知何限。案白居易詩集年月多下。有時光換三字。

卷一百

溫庭筠漢皇迎春辭。春草芊芊晴掃烟。刊本春下脫草字。據飛卿詩箋增。

古今歲時雜詠 宋蒲積中編

卷一

庾信正旦蒙寶酒。椒花逐頌來。原本逐訛家。據庾開府集改。

卷五

劉憲奉和人日清暉閣宴羣臣。遇雪應制。登臨上鳳京。原本京訛臺。據全唐詩改。

卷六

蘇軾庚辰人日作。三策已應思賈讓。原本讓訛誼。據東坡集改。

卷七

高瑾上元夜效小庾體。相歡待月輪。原本歡訛煩。月訛日。據全唐詩改。

卷八

蘇軾祥符寺九曲觀燈。寶珠穿蟻鬧連宵。原本連宵訛蓮朝。據東坡集改。

張耒上元日思京輦舊遊。貂蟬從古屬金張。原本貂蟬訛漢貂。屬訛屋。據宛丘集改。

卷十一

明皇初入秦川路逢寒食。爭道何人不鞭戲。原本道訛到。據全唐詩改。

卷十四

王濯清明賜百官新火焰迎紅蕊發。原本迎訛知。據全唐詩改。

卷十六

顏延年應詔曲水作。豫同夏諺。原本夏諺訛肆夏。據文選改。

卷十九

白居易和微之三月三十日。春游亦多處。原本處訛愈。據香山集改。

卷二十二

任希古和長孫祕監伏日苦熱。玉署三時曉。原本玉訛正。曉訛晚。據全唐詩改。

卷二十三

孫逖立秋日題安昌寺北山亭。原本安昌訛宴日。據全唐詩改。

高適同諸公立秋日登琴臺。德與形神高。原本德與訛方興。據常侍集改。

卷三十

陸龜蒙中秋夜寄友生孤舟泊大溪。原本溪訛涇。據全唐詩改。

卷三十一

蘇轍中秋見月寄東坡。臥聽百步鳴飛濤。原本臥訛速。據樂城集改。

卷四十六

張耒十月二日夜孤宿寄內。不覺重衾燠。原本衾訛裘。據宛丘集改。

嚴陵集 宋董夔編

卷一

劉長卿題元錄事開元寺所居。高臥紀綱行。原本紀訛絕。據全唐詩改。

卷二

貫休秋寄李頻使君。燒烟連野白。原本野訛宴。據寶月集改。

卷四

宋祁杜少卿知睦州。漢家丹詔十行文。原本闕丹字。據宋詩鈔補。

卷六

楊時嚴陵釣臺。漢網久陵遲。原本網訛光。據楊時集改。

卷八

刁衍睦州大廳記。至聖運太平興國三年之後。原本國訛軍。據宋史改。

范仲淹嚴先生祠堂記。光武之量。原本量訛器。據文正集改。

江公望睦州政平橋記。火朝覲矣。原本火朝二字互倒。據國語改。

聲畫集 宋孫紹遠編

卷一

蘇子瞻梅聖俞之客。毆陽晦夫。使工畫茅菴。已居其中。迢遙載安道。雪夕誰與度。原本迢遙訛招搖。據東坡集改。

陳季常所蓄朱陳嫁娶圖。而今風物那堪畫。縣吏催錢夜打門。原本物訛雨。又注。朱陳村在徐州豐縣。原本豐訛蕭。並據東坡集改。

卷二

次韻子由書清汶老所傳秦湘二女圖。方平神鞭常使物。原本神鞭訛袖邊。據東坡集改。

卷三

杜子美奉觀嚴鄭公廳事岷山沱江畫圖。沱水臨中座。岷山到北堂。案臨全唐詩作流。北作此。

卷四

蘇子瞻書王定國所藏王晉卿畫著色山君看古井水。原本古訛方。據東坡集改。

卷五

李義山李肱所遺畫松詩。樛枝勢夭矯。忽欲蟠拏空。又如驚螭走。默與奔雲逢。孫枝擢細葉。旖旎狐裘茸。原本脫勢夭矯至孫枝二十字。又稠疊張繼置。原本繼訛巒。並據李義山集改。

卷七

和叔盎畫馬。兀與畫圖同。原本兀訛見。據東坡集改。

卷八

王介甫純甫出僧惠崇畫。欹眠嘔軋如聞櫓。原本聞訛鳴。又大梁崔白亦善畫。原本崔訛鶴。並據半山集改。

宋文鑑 宋呂祖謙編

卷一

王禹偁籍田賦。右拾遺直史館王禹偁再拜而颺言。刊本右訛方。據本傳改。

丁謂大蒐賦。草木夥够。刊本夥够訛。據文選魏都賦改。

卷二

楊侃皇畿賦。黃頭之郎既衆。文身之卒且多。刊本脫之郎二字。今增。

范仲淹明堂賦。面明堂而背北室。左青龍而右總章。刊本二句互倒。據韻改。

卷三

宋祁右史院蒲桃賦。保深根以庇本。誠繁實之披心。刊本實訛實。今改。

卷四

王回責難賦。師保阿衡受教兮。刊本衡訛焉。據賦彙改。

愛人賦。其餘凡我義之所及兮。亦應乎求而敢倦。刊本凡訛泛。據賦彙改。

卷五

劉攽不寐賦。君子有不安其命兮。小民有不度其力。刊本脫下不字。今增。

卷六

崔伯易感山賦。外伏楛縮劍以銜冤兮。刊本伏訛仍。又禁錫存省米之說。賤肉有愛牛之意。刊本錫訛。

錫。今並改。

卷七

黃庭堅煎茶賦臨邛之火井刊本脫臨字今增。

卷八

晁補之求志賦李膺之激烈兮羌不以生而害義刊本李訛文今改。

卷九

秦觀黃樓賦正余冠之崔巍兮刊本冠訛觀據淮海集改。

卷十

王仲冀南都賦連馭娑與杓指刊本指訛指據西都賦改。

卷十二

尹洙皇雅皇治三章帝仁於用刑在位者作寬恤爲治焉案此二句係序文當在恤刑也以下
王安石新田詩其來僕僕鏝我新屋刊本鏝訛漫新訛雜據臨川集改。

卷十三

歐陽修廬山高攀緣石磴窺空澗刊本脫澗字據廬陵集增。

卷十四

晁補之豆葉黃東家車滿箱西家未上場刊本脫東家二字又複衍西字並據雞肋集增刪。

卷十五

韓琦畫錦堂。古人之富貴。歸於本郡縣。刊本。縣訛歸。今改。

卷十六

蘇舜欽哭尹師魯。君欲舉拔萃。聲偶日抉搜。刊本。偶訛舉。抉訛搜。據滄浪集改。

卷十八

蘇軾甘露寺序。梁武帝所鑄。刊本。梁武訛手植。又手植柏合抱矣。刊本。手植訛梁武。今並改。

卷二十一

楊億禁直投籤乍應嚴鼓節。刊本。鼓訛彭。今改。

卷二十二

獄多重囚。清潁黃公接。甘棠召伯鄰。刊本。召訛都。今改。

卷二十三

王安石卽事。靜憩雞鳴午。荒尋犬吠昏。刊本。憩訛揭。據臨川集改。

卷二十

張先題華下無相院西溪。浮萍破處見山影。小艇歸時聞棹聲。刊本。棹訛草。今改。

卷二十

秦觀寧浦書事。我豈更求聞達。日長聊以銷憂。刊本。銷訛鋪。今改。

卷二十八

邵雍天人湯武桓文尙可尋。刊本。桓文訛柏史。據擊壤集改。

卷二十九

劍聯句。頑冰掛陰霽。皎月來孤隙。刊本。冰訛水。霽訛雷。又與君刺鵬翼。刊本。與君訛翁辱。今改。

卷三十

鮮于侁九誦舜祠。肴羞雜兮蘭茝。刊本。肴羞訛希修。今改。

河泊。刊本。訛孔子。據本集改。

卷三十一

張方平賜中書門下置寶文閣學士待制詔。憲上帝藏書之府。章累朝稽古之盛。刊本。憲上二字互倒。據

樂全集改。

卷三十二

歐陽修頌貢舉條制敕。先策論。則辨理者得盡其說。刊本。得訛而。據文忠集改。

卷三十四

宋祁除皇兄允弼武康軍節度使制。預列侯之峻爵。同大吏之計書。刊本。列訛烈。吏訛制。今並改。

卷三十五

王珪除郝質殿前都指揮使制。用旌巖陞之勞。作表師干之寵。刊本。用訛井。今改。

卷三十六

鄧潤甫除皇伯宗暉制。詩書自樂。慕漢邸宗英之聞。刊本。慕訛莫。今改。
曾鞏除向宗良制。醴泉觀使。刊本。醴訛體。今改。

卷三十七

歐陽脩前彰信軍節度判官褚式可太子中舍致仕誥。刊本。前下衍知字。據文忠集刪。
進納人空名誥海詞。刊本。脫誥字。據本集增。

卷三十九

蘇軾鮮于侁可太常少卿誥。昔魯秉周禮。刊本。脫秉字。據本集增。
李承之知青州誥。曹參爲齊相。刊本。脫相字。今增。

卷四十

蔣之奇天章閣待制知潭州誥。且使民見侍從之出守。知朝廷之念遠也。刊本。脫守字。據東坡集增。
呂惠卿責授建寧軍節度副使誥。始與知己共爲欺君。刊本。知訛之。今改。

卷四十一

趙普論彗星疏。若之何禳之。刊本脫禳之二字。據左傳改。
田錫論軍國機要朝廷大體疏。於是免人笞刑。刊本笞訛徒。今改。

卷四十二

謝泌論宰執不許接客疏。大臣展四體以報陛下之道也。刊本脫大臣字。陛字今增。

卷四十三

范仲淹答手詔條陳十事。唐初京師置十六將軍官屬。刊本初訛初。今改。

卷四十五

富弼論河北流民疏。及有往唐鄧蔡州等處。刊本蔡訛蔡。今改。

卷五十

司馬光應詔言朝政闕失疏。高宗之雖雉。刊本高訛太。又君所謂否。據亦曰否。刊本所謂二字互倒。今並改。又今計謀卦兆皆反繆。刊本卦訛非。據本集改。

卷五十一

王安石論孫覺令吏人寫章疏劄子。鄂千秋論相國蕭何功次。刊本千秋訛秋明。今改。

卷五十二

韓維請不汎於諸家爲穎王擇妃疏。不宜苟取華色而已。刊本色訛已。今改。

卷五十三

宇文之邵上皇帝書。百里之邑。不能興利除害。受制於縣令也。刊本。縣令訛郡守。今改。

卷五十四

蘇軾上皇帝書。故能役使小民。刊本。複衍小民二字。又祠部度五千餘人耳。刊本。脫度字。今並刪增。

卷五十五

徐州上皇帝書。而京東諸郡安危所寄也。刊本。安危訛彭城。據本集改。又藏其刃於官。以待大盜。刊本。

脫其刃二字。以訛有。又若有所不盡。非忠臣之義。刊本。脫非字。今並增改。

因擒鬼章論西羌夏人事宜。利則進。否則復求。和刊本。脫進字。今增。

論內中車子爭道亂行疏。漢成帝郊祠甘泉。而趙昭儀常從。刊本。成訛武。脫儀字。今改增。

卷五十六

蘇轍上皇帝書。用郭進武守琪。刊本。守訛宋。據宋史改。又夫百餅之茶。數束之綵。刊本。餅訛餘。今改。

卷五十七

論呂惠卿疏。齊年者馮京也。刊本。脫年字。今增。

劉摯論人才疏。頗能依真。以售其僞。而欲與善者混。刊本。混訛滌。今改。

論分析助役疏。其議財也。刊本。議財二字互倒。今改。

卷五十八

鄭俠論新法進流民圖疏。凡以移事父之孝而從事於此也。刊本孝訛存。今改。
程頤代彭思永論濮王典禮疏。取父義則與稱父正同。刊本稱父下衍正父二字。據伊川文集刪。
論經筵事。昔者周公負扆作輔。刊本負扆訛傳一。今改。

卷五十九

范祖禹論宦官疏。文宗欲討憲宗之賊。刊本討訛言。今改。

卷六十

王巖叟請罷三舍法疏。賄賂之私行而獄訟之端起。刊本脫賄賂之私行五字。據名臣奏議增。

卷六十二

崔鷗再論馮澥疏。此賢不肖不待較而明也。刊本脫肖不二字。今增。

卷六十三

王禹偁滁州謝上表。曲念遭逢。俯存終始。刊本念訛直。據小畜集改。

卷七十

曾肇南京謝上表。未容墨突之黔。遽改并門之帥。刊本墨訛默。今改。

卷七十三

蘇軾徐州蓮華漏銘。豈不自信而信物。刊本脫下信字。據東坡集增。

卷七十四

宋祁籍田頌。在豐念匱。在飮思飢。刊本。飢訛槐。今改。

卷七十五

黃庭堅王元之眞贊。惟是文章許以獨步。刊本。許訛詩。據豫章集改。

卷七十七

王禹偁竹樓記。于城西北隅。案子。別本作予。又披鶴氅衣。刊本。披訛彼。脫衣字。據小畜集改增。

卷七十八

歐陽脩相州畫錦堂記。惟大丞相魏國公。刊本。魏訛衛。今改。

卷七十九

蔡襄萬安渡石橋記。爲之合樂讌飲而落之。刊本。合樂二字互倒。今改。

曾鞏分寧縣雲峰院記。推其徒了思來請記。刊本。了訛子。據本集改。

卷八十

兜率院記。兜率院在治之西八十里。案本集無八字。

王回霍邱縣驛記。若歸賑賀慶致禱之來。刊本。賑訛脆。今改。

卷八十一

陳繹新修東府記。仰而視其宮。則有棧題之龔密。刊本棧訛穰。龔訛襲。並據本集改。

卷八十二

蘇軾墨君堂記。稚壯枯老之容。刊本稚壯訛雅狀。據東坡集改。

卷八十三

蘇轍黃州快哉亭記。此其所以爲快哉者也。刊本脫爲字。據樂城集增。

卷八十四

陳師道浞水新渠記。東歷蕭彭城入于泗。刊本蕭彭二字互倒。脫入字。據水經注改增。又與濟汝淮泗會于楚。案史記于楚二字連下句。此誤讀。又或河或泆。或河泆合。刊本泆並訛凍。今改。

卷八十五

張景柳如京文集序。非先生孰能哉。刊本脫先字。今增。

卷八十六

歐陽脩惟儼文集序。周孔所以窮達異也。刊本脫所字。異訛易。據廬陵集增改。

卷九十三

賈同原古。然則烏乎師之執也。刊本烏乎訛嗚呼。今改。

鄭褒原祭尊卑有異制。牲幣有異數。刊本脫卑字。今增。

卷九十五

劉敞賞罰論。子所謂罪者。謂喪業失次之爲罪乎。刊本脫罪者謂三字。今增。

卷九十六

治戎下春秋書之。刊本秋下衍之字。今刪。

王安石材論。鏃以百鍊之精金。羽以秋鶉之勁翮。刊本勁訛顛。又或曰古之人于材。刊本或曰訛蓋聞。

並據本集改。

卷九十七

蘇洵辨姦論。昔山巨源見王衍曰。刊本山巨源訛羊叔子。據嘉祐集改。

曾鞏唐論。又有治天下之效。刊本脫治字。據南豐集增。

卷九十八

蘇軾留侯論。此不足爲勇也。天下有大勇者。刊本脫也。天下有大勇六字。今增。

卷一百

秦觀石慶論。用經術取漢相。辯論有餘。刊本相訛桓。辯訛下。據淮海集改。

卷一百三

孫洙資格策肆口謬舉也刊本肆訛計今改。

卷一百五

陳襄南北郊議而以黃琮禮之刊本而以二字互倒今改。

卷一百八

蔡襄福州五戒多與父母異財刊本財訛則今改。

卷一百九

蘇軾制科策亦未敢以明詔爲然也刊本然訛疑據東坡集改。

卷一百十

孔文仲制科策此調度所以愈增而巳刊本調訛條今改。

卷一百十一

蘇軾擬進士御試策免首瓠葉可以行禮刊本首訛置據本集改。

卷一百十三

范仲淹答趙元昊書朝聘之使往來如家刊本往訛祖今改。

卷一百十四

尹洙與四路招討司幕府書如此輩隸軍者甚衆刊本輩訛北今改。

卷一百十六

曾鞏與孫司封書以其性之喜事則其有先言之效亦可知也刊本性訛信據南豐集改。

卷一百十七

范百祿與門下韓侍郎書所以本部原情刊本原情訛厚倩今改。

卷一百十八

蘇軾與章子厚書有程棐者刊本程訛桂又以下脫去二十一字據東坡集改增。

卷一百十九

王令上邵不疑書世之人方思得其所無刊本脫人字今增。

卷一百二十

張耒答李推官書誦詠愛歎刊本誦訛謂歎訛難並據宛丘集改。

卷一百二十二

蘇轍謝中制科啓又念科目之謂何刊本科訛利據欒城集改。

卷一百二十四

劉跂策問猶患其赴之者衆則爲術以權之刊本者訛音今改。

卷一百二十五

孫何碑解。其事皆不經見。吾無取焉。刊本見訛易。今改。

卷一百二十六

王安石許氏世譜。治澧荆揚三州。刊本澧訛濃。今改。

卷一百二十七

蘇軾東坡酒經。蓋三投而後平也。刊本缺蓋字。據東坡集補。

秦觀弔鐘文。考之不與禮合者無幾。刊本脫禮字。據淮海集改。

卷一百二十九

楊億開封府上梁文。四序由庚。刊本庚訛康。今改。

卷一百三十

歐陽修跋平泉草木記。顧天下諸侯無不在其術中者。刊本中訛也。據廬陵集改。

卷一百三十二

蘇軾錢君倚哀詞。瞭然而清。頎然而瘦。刊本脫而清頎然四字。據東坡集增。

卷一百三十三

歐陽修祭吳大資文。願惟庸謬。敢企光塵。刊本企訛啓。今改。

卷一百三十四

曾鞏祭歐陽少師文。垂光簡編。焯若日星。刊本。若訛老。據南豐集改。

卷一百三十七

蘇軾司馬溫公行狀。公言轍於同科四人中。言最切直。刊本。轍訛軾。據東坡集改。

卷一百三十八

程頤程伯淳行狀。故戶部侍郎彭公思永。刊本。故戶訛而所。據伊川文集改。

卷一百三十九

范仲淹种世衡墓誌銘。咸股栗請命。刊本。股訛服。今改。

卷一百四十二

曾鞏戚舜臣墓誌銘。衰爲吳郡鹽官人。刊本。爲訛稱。據南豐集改。

卷一百四十三

韓維程伯淳墓誌銘。括地官至。刊本。括訛指。今改。

卷一百四十四

潘興嗣周茂叔墓誌銘。奏舉南安軍司理參軍。刊本。司訛師。今改。

卷一百四十五

歐陽脩石曼卿墓表。天下晏然。刊本。脫晏字。據本集增。

卷一百四十七

蘇軾富鄭公神道碑銘。都監李康伯刊本。都訛郡。今改。

卷一百四十八

趙清獻公神道碑銘。公獨左右其政。而晦其所以然。刊本。晦訛誨。今改。

卷一百四十九

柳開補亡先生傳。先生真達六經者也。刊本。六訛云。今改。

五百家播芳大全文粹 宋魏齊賢葉棻同輯

卷一上

蘇子瞻賀興龍節表。輿情所獻。蓋憂勤無逸之規。原本脫規字。據東坡集增。

卷一下

曾子固賀明堂赦表。歸遠清塵。方嘆周南之滯。原本滯訛治。據史記改。

卷二下

王豐甫進家集表。辨銷骨之讒。原本骨訛國。據史記改。

卷三下

宋子京謝除樞密表。貸衛綰之譙呵。取子顏之謹厚。原本。綰訛館。據史記改。

卷四中

洪景伯謝除敷文閣直學士表。賞以馭威。煥治功之綜核。原本。威訛成。據周禮改。

汪彥章謝除顯謨閣學士表。問周穆王之詩。庶無慚於子革。原本。子訛工。據左傳改。

卷四下

蘇子瞻謝除安撫表。離明正中。乾健獨運。原本。正中二字互倒。據東坡集改。

卷五下

王卿月瀘州到任謝表。地控雲南之六詔。原本。六訛大。據唐書改。

卷七下

闕名乞致仕表。今臣心力衰退。手足支離。原本。支訛難。據莊子改。

卷八

闕名賀左丞相啟。易敗者之基則勝矣。原本。基訛兵。據五代史改。

卷九

洪景伯賀楊參政啟。惟皇家之建輔。自乾德之官儀。原本。乾訛訖。官訛威。並據宋史改。

卷十

汪彥章賀陸舍人啓。問釐宣室。結知無愧於昔人。原本。問訛聞。據漢書改。

卷十一

張正己賀周侍郎啟。明禮躬榮。終享老更之福。原本脫躬字。更訛吏。據後漢書增改。

卷十五

王望之賀王漕加起居舍人啟。揜心計於研桑。笑霸圖於管樂。原本。桑訛乘。據史記改。

卷十六

石守道賀韓丞相致仕啟。烟閣雲臺。入應功名之會。原本。烟訛炯。據唐書改。

卷十七

熊子復賀吳給事除帥啟。職同龍朔之舍人。原本。職訛識。朔訛宿。並據唐會要改。

周少蘊賀李帥啟。飛騰遙路。奚煩狗監之吹噓。原本。監訛盜。據漢書改。

卷十八

張少瑜賀張都督啟。虞淵靖難。井絡宣威。原本。絡訛洛。據蜀都賦改。

李仲之賀虞宣撫啟。天其或者。生晟本爲萬人。原本。晟訛成。據唐書改。

卷二十一

林豈塵賀鄭提舉啟。氈榜聯名。長記帝鄉之日月。原本。氈訛羶。據賈魏公談錄改。

卷二十二

闕名賀呂守啟。恢台對序。畫諾專城。原本。台訛胎。據楚辭改。

王季高賀馬守啟。滿城和氣。皆袁扇之披揚。原本。扇訛角。據世說改。

宋文淵賀張守啟。僉言豈弟以宜人。咸詠中和之樂職。原本。中訛辛。據漢書改。

卷二十三

鄭元嘉賀連倅啟。某祖本移監。身生益陽。原本。移監訛移澗。據漢書改。

卷二十九

蘇子瞻除館職謝執政啟。自始操筆。知不識時。原本。始訛如。據東坡集改。

闕名除郡謝宣撫開府啟。去後見思。詠華屋西州之句。原本。州訛川。據世說改。

卷三十二

闕名齊州到任謝執政啟。褒衣大袞。有掾曹舒緩之俗。原本。袞訛貂。據漢書改。

洪景伯太守到任謝兩府啟。探金匱六弢之祕。分狼弧參伐之威。原本。弧訛狐。伐訛代。並據史記改。

卷三十三

闕名改秩謝監司啟。駿異乘黃。珍非結綠。原本。綠訛驟。今改。

卷三十四

崔德符謝漕使薦舉啓。惟親與舊。何傷祐甫之明。原本。甫訛角。據唐書改。

卷三十六

翟公巽謝試中館職啓。述陶唐至於麟止。安所發明。原本脫陶字。止訛趾。並據史記改。
趙承之謝試中宏詞啓。思軋爾以如抽。原本軋訛輒。今改。

卷三十八

周夢若謝太學發解啓。坐擁熊幡。式布宣於王化。原本。幡訛籓。據漢書改。

卷三十九

黃鵬舉謝鄉舉啟。簡編不廢。屢閱惠書之五車。原本。惠訛升。據莊子改。

卷四十

胡邦衡叙復謝丞相啟。寵以官聯。復二紀鴻陂之舊。原本。陂訛波。據漢書改。

卷四十一

鄭祐甫赴任上赴帥啟。瓜期甫及。蔗境漸佳。原本。蔗訛蔗。據晉書改。

高子美赴任上憲使啟。眷此象臺。邈在駱越。原本。駱訛路。據漢書音義改。
方雲翼赴任上監司啟。驚駘參乘。勉思十駕之功。原本。十訛才。據荀子改。

卷四十八

高子美回陳簽判啟。談笑剪綠林之盜。雍容縮花縣之章。原本林訛竹。據漢書改。

卷五十

皇叔加恩麻。聞義理之多。知爲善之最樂。原本脫樂字。據漢書增。

卷六十六

蘇子瞻答李端叔帖。軾每怪時人待某過重。原本軾訛禁。據東坡集改。

卷七十七

邵公濟請印老住中岩疏。訶佛選佛場中。想四衆之避席。原本選佛訛進物。據傳燈錄改。

卷一百七

歐陽永叔送寥倚歸衡山序。予嘗以上計吏客都中。原本吏客訛利家。據文忠集改。

卷一百八

呂伯恭厲齋銘。下坂之草。柅之猶馳。原本柅訛捉。據東萊集改。

卷一百十

呂伯恭太祖皇帝閱武頌。怒氣回薄。髮衝眦裂。原本脫裂字。據東萊集增。

卷三

揚雄解嘲。譬若江湖之厓。渤澥之島。乘雁集則不爲之多。雙鳧飛則不爲之少。案厓。漢書作雀。島。作鳥。無二則字。

司馬相如難蜀父老文。躬腩胝無胼。膚不生毛。案躬腩胝無胼。漢書作躬儼胼胝無胼六字。又史記及文選作躬胝無胼四字。均與此異。

卷七

諸葛亮出師表。以告先帝之靈。案靈下文。選有若無興德之言六字。

卷九

韓愈張中丞傳後序。因拔所佩刀斷一指。血淋漓以示賀蘭。案拔所佩刀斷一指。柳柳州碑記。作自噬其指四字。與此異。

卷二十三

蘇軾上神宗皇帝書。語人曰。我非獵也。我非獵也。案東坡集無疊句。附識。

卷三十

張耒論法。制度日多。滄粹日衰。故也。刊本也。訛矣。據古文淵鑑改。

文章正宗 宋真德秀編

卷一

楚屈完對齊侯篇。楚國方城以爲城。注。言其險固。刊本。固訛圖。據左傳注改。

卷二

宣帝減鹽賈及歲繫囚詔。所坐名縣爵里。刊本。名訛各。據漢書改。

卷四

內史過論晉君臣篇。秦人殺子金子公。注。惠王十五年。刊本。惠訛晉。據通鑑改。

卷五

展禽論祀爰居篇。冥勤其官而水死。注。根國之子也。刊本。國訛圍。據國語注改。

卷六

敬姜論勞逸篇。王后親織玄統。注。統。所以縣瑱當耳者。刊本。瑱訛與。據國語注改。

卷八

魏相明堂月令奏。三者得叙。則災害不生。民不夭疾。案生字下。漢書有五穀熟、絲麻遂、草木茂、鳥獸蕃、十
二字。

鼂錯言兵事書。其後復入隴西。殺吏卒。刊本。吏訛利。據漢書改。

卷十四

贊文帝篇。召貴佗兄弟。以德懷之。刊本。貴訛責。據漢書改。

卷十八

叙武帝通西域篇。單于死。左谷蠡王攻其太子自立。刊本。谷訛右。據史記改。

卷二十二

韋蘇州獨遊西齋寄崔主簿。同心忽已別。昨事方成昔。刊本。成訛來。據全唐詩改。

四庫全書考證卷九十一

集部

赤城集

唐僧宏秀集

江湖小集

江湖後集

三體唐詩

古文集成

文選補遺

蘇門六君子文粹

三國志文類

十先生與論前集注

十先生與論後集注



十先生與論續集注

詩家鼎鑪

唐詩鼓吹

瀛奎律髓

梅花百詠

宛陵羣英集

玉山草堂集

玉山草堂外集

元音遺響

元詩體要

明文衡



赤城集 宋林表民編

卷十

石公孺臨海縣靈康廟碑。不閱旬。海舶麀至。原本。麀訛靡。據左傳改。

卷十三

高文虎重建中津橋記。僞功不揚。原本。僞功訛撰工。據尙書改。

唐僧宏秀集 宋李龔編

卷一

皎然答蘇州韋使君。受辭分虎竹。刊本。虎訛堯。據全唐詩改。

卷二

靈澈東林寺酬韋丹刺史。相逢盡道休官好。刊本。好訛去。據全唐詩改。

卷三

護國題王喬觀傳道士所得黃精。採根先採苗。刊本。精訛青。據全唐詩改。
無可遊山寺。千峰盤路盡。刊本。路訛落。據全唐詩改。

卷六

貫休懷素上人草書歌。長恨與師不相識。刊本脫與字。據全唐詩增。

卷九

懷浦初冬旅夜蚤懷。離情未息機。刊本息訛。據全唐詩改。

卷十

尚顏與王嵩隱。一生吟興僻。刊本僻訛與。據全唐詩改。

江湖小集 宋陳起編

卷一

洪邁蔬飯染指客應慨。原本指訛腸。今改。

卷三

釋紹嵩詠道中所見集句。岑渚復幽奇。原本脫岑字。據賈島集增。

卷六

遊信州僊巖集句。山鐘夜度空江水。原本度訛夜。據洪駒父集改。

卷九

放舟集句。兩岸蕭蕭蘆荻秋。原本秋訛斜。據劉賓客集改。

卷二十四

施樞題龍首圖。碧海風輕滾絳袍。原本袍訛桃。據芸隱橫舟稿改。

卷二十九

吳仲孚立春日卽事。看花長有好情懷。原本脫花字。據菊潭詩集增。

卷五十一

俞桂初秋。秋聲來處無尋覓。只在窗前竹葉間。原本在訛作。據漁溪詩稿改。

卷九十五

劉同孝伍尙注。楚將殺其父奢。慮二子爲患。曰盍以免其父召之。原本脫盍以二字。據左傳增。

江湖後集 宋陳起編

卷三

周端臣次韻友人悼寵落梅。條脫空嗟萼綠華。俗塵難久駐仙車。案劉克莊千家詩選。以此首爲落梅詩。入百花門。旣誤以人名爲花名。又以第二句難久字訛爲惟允。後來選家。因以惟允不可通解。改爲誰見。賴永樂大典本。可正其誤。

劉寺墳園案宋詩紀事載此詩注云西湖遊覽志寺在清波門外方家峪俗稱劉娘子寺宋紹興十八年劉貴妃建妃臨安人父懋因金人南侵獻錢二萬緡以助軍費高宗嘉之遂令建寺以爲功德有泉自鳳凰山而注爲方池命曰鳳凰泉于湖張孝祥書刻內有松雪亭觀音洞筆架池偃松交枝檜又案紀事引此題作褒親崇壽教寺與此題互異

挽芸居二首案芸居卽陳起別字二律當係起後人增刻於江湖集後者今附端臣詩之末

卷四

趙汝鏗荆門行案劉克莊趙君墓誌銘公會爲湖南刑獄司幹官使者悅齋李公尤獎重盜發洞庭掠荆門公單馬視關隘脩守備流徙來輯始城沙市塹湖水以濠之此詩當作於是時

臨川縣治古桂兩大株與葉潛仲鄔文伯飲花下案墓誌荆州旣平悅齋方爲上功會歸蜀但用考舉改秩知臨川縣此詩當作於是時

卷七

趙汝績案汝績原本或訛讚又或訛請而字曰庶可知俱係績字之訛今改

卷二十四

陳起案原本載起詩甚多或係起自選或係後人所刻不可考今附錄於後

三體唐詩 宋周弼撰 國朝高士奇輯註

卷一

張籍患眼。三年患眼。今年免。校與風光便更生。刊本。免校二字互倒。據全唐詩改。

卷二

雍陶韋處士郊居。萬條寒玉一溪烟。刊本。萬訛蕭。據全唐詩改。

卷四

來鵬清明日與友人遊玉塘莊。細穿綠荇船頭滑。碎踏殘花屐齒香。案細。全唐詩作歸。碎。作醉。

卷五

李咸用江行。蝶寄伏流槎。刊本。蝶訛葉。據全唐詩改。

劉得仁宿宣義池亭。南山幽竹青。刊本。幽訛出。據全唐詩改。

古文集成 宋王霆震編

卷一

韓愈送董邵南游河北序。燕趙古稱多感慨悲歌之士。刊本。脫感慨二字。據昌黎集增。

卷三

東坡六一居士集序。天下以爲是固然。而不知其功。刊本不下衍可字。知訛加據。三蘇文粹刪改。

卷十一

蘇轍齊州閔子祠堂記。若夫以江河之舟楫。而誇東海之難。則亦十里而返。刊本十訛千。據三蘇文粹改。

卷十六

韓愈答陳商書。吾鼓瑟合軒轅氏之律呂。刊本脫氏字。據昌黎集增。

卷十八

老泉上富丞相書。故君子之出處於其間也。刊本脫出字。據老泉集增。

卷二十一

歐陽公答李詡論性書。但戒人慎所習與所感。而勤所以率之者耳。刊本率訛文。據廬陵集改。

卷二十二

李令伯陳情表。臣侍湯藥。刊本脫侍字。據文選增。

卷二十三

司馬光上資治通鑑表。仍命自選辟官屬。於崇文院置局。刊本。院訛殿。據傅家集改。

曾南豐移滄州過闕上殿劄子。內輯師旅。刊本。輯訛行。據南豐集改。

卷三十二

韓退之爭臣論。若抱關擊柝者可也。刊本脫可字。據昌黎集增。

卷三十九

柳子厚封建論。徒建空名於公侯之上耳。刊本侯訛族。據河東集改。

卷四十六

老泉利者義之和論。宜乎其拂天下之心也。刊本其訛有。據老泉集改。

卷四十七

班固燕然山銘。雷輜蔽路。刊本雷訛雲。據文選改。

卷五十六

朱文公壬午應詔封事。古語有之。疑事無功。刊本之疑二字互倒。據朱子全書改。

卷五十八

朱文公戊申封事。無一不領於冢宰之官。刊本宰訛辛。據朱子全書改。

卷六十一

東坡論時政狀。本其所與締交唱和表裏之人也。刊本與訛以。據東坡集改。

卷六十六

老泉辨姦論。昔者山巨源見王衍曰。刊本。山巨源訛羊叔子。據老泉集改。

卷七十六

柳子厚設漁者對。智伯力愈大而求食愈無饜。刊本脫食字。據河東集增。

卷七十七

班固答賓戲。神之聽之。刊本聽訛聖。據文選改。

文選補遺 元陳仁子輯

卷一 詔誥

漢高帝入關告諭吏民。皆按堵。注堵牆堵也。原本脫下堵字。據漢書注增。

文帝議振貸及養老詔。具爲令。注其九十以上。又賜帛人二疋。絮三斤。原本三訛五。據漢書改。

除肉刑詔。豈稱爲民父母之意哉。原本脫民字。據漢書增。

議不舉孝廉者罪詔。注猶近周族師書孝弟睦婣。原本族訛旅。據周禮改。

造太初厯詔。注厯至元封七年。漢興百二歲矣。原本封訛朔。又夏五月造太初厯。以正月爲歲首。原本

脫歲字。並據漢書改增。

卷二

宣帝置廷平詔。其爲置廷平秩員四人。原本脫置字。據漢書增。

元帝條責丞相御史詔。有可以防其未然。救其已然者。原本未然下行者字。據漢書刪。
光武日食詔。其勅公卿舉賢良方正各一人。原本方訛公。據漢書改。

卷三 鹽書

元帝賜馮奉世鹽書。若乃轉輸之費。則有司存。原本乃訛罷。據漢書改。

光武賜竇融鹽書注。更始以融爲張掖屬國都尉。原本張訛長。據後漢書改。

宣帝賜趙充國書。精兵萬人。原本兵訛明。據漢書改。

卷四 奏疏

賈山至言。端容貌。正顏色。原本脫正字。據漢書增。

賈誼陳政事疏。雖在細民。且知其安。原本在訛有。據漢書改。

卷五

量錯論貴粟。取倍稱之息。注。取一償二爲倍。原本償訛價。今改。

趙充國上屯田策。芟藁二十五萬二千八百八十六石。注。石百二十斤。原本脫斤字。據漢書注增。

卷六

匡衡上政事得失疏。臣聞五帝不同樂。原本樂訛禮。據漢書改。

論治性正家疏。廣心浩大者。戒於遺忘。原本。浩訛好。據漢書改。

杜欽訟馮奉世疏。亡常則節趨不立。注。趨讀曰趣。謂意所嚮。原本。謂意二字互倒。今改。

谷永上救陳湯疏。威震百蠻。武揚西海。案。揚。漢書作暢。與此異。

卷七

論微行宴飲。不宜復關得失之辭。原本。關訛闕。據漢書改。

陳元乞立左傳博士疏。案升等所言。前後相違。皆斷截小文。原本。斷截訛新學。據後漢書改。

卷八

杜詩降避功臣疏。士卒之復。比於宿衛。注。言士卒之得。比於郎。則人百其勇。原本。郎訛則。據後漢書注改。

卷九

樊準勸崇儒學疏。共求政化。原本。共訛其。又儒者競論浮麗。原本。競訛竟。並據後漢書改。

卷十

皇甫規疏。注。願假臣兩營二郡。原本。郡訛部。據後漢書改。

卷十一

戴邈上學校未立疏。興禮修學於洙泗之間。原本。學訛樂。據晉書改。

卷十二

王嘉再論董賢封事注。可以父子終其性命。原本。父訛二。據漢書改。

卷十三 上書

路溫舒上尙德緩刑書。今治獄吏則不然。原本脫吏字。據漢書增。

卷十七 議

劉陶改鑄大錢議注。言貨輕錢薄。故致貧困。宜改鑄大錢。原本。宜訛因。又問路叟之所憂注。昔堯理天下五十年而不知理亂。原本脫十字。並據後漢書改增。

卷十八 對

婁敬定都關中對。收卒三千人。以之徑往。原本脫往字。據漢書增。

中山靖王聞樂對。臣聞白日曬光。幽隱皆照。原本。照訛然。據漢書改。

董仲舒火災對注。主父偃竊其書奏焉。原本。竊訛躬。據漢書改。

卷十九 策

董仲舒對賢良策。寢微寢滅。寢明寢昌之道。原本脫寢明二字。又百家殊方。指意不同。原本。意訛異。並

據漢書增改。

卷二十

李固對賢良策。中臣子弟不得爲吏。原本。吏訛使。據後漢書改。

卷二十二論

徐幹法象論。故無絕交無畔朋。原本無並訛其畔訛語。據漢魏叢書改。

卷二十四書

王昶戒子姪書。夫人爲子之道。原本人訛子。又其進退念合宜。原本合訛各。並據三國志改。

卷二十五問難

東督擬客難。乃欲闔匱辭價。原本匱訛匱。據晉書改。

卷二十六史敘論

司馬遷六國年表。太史公讀秦記。原本脫公字。又猶不能約束也。原本束訛策。又東萬物所始生。原

本萬訛方。並據史記增改。

卷二十七

范甯穀梁傳序。片言之貶。辱過市朝之撻。原本市朝訛朝士。今改。

卷二十九騷

屈原遠遊。祝融戒而蹕御兮。案蹕御。楚詞一作還衡。

天問。雄虺九首。注首大如擘。原本脫擘字。據爾雅增。

卷三十一賦

宋玉微詠賦。乃使王爾公輸之徒。注。張平子西京賦。原本。西京訛京都。今改。

卷三十二

馮衍顯志賦。棄衡石而意量兮。原本。棄訛乘。據後漢書改。

卷三十三

鮑照觀漏賦。物不可以兩大。時無得而雙昌。原本。時訛得。據鮑明遠集改。

卷三十四 樂歌

安世房中歌。馮馮翼翼。承天之則。案馮上。漢書有桂華二字。又磴磴。卽卽。師象山則。案磴上。漢書有美

芳二字。

諸葛亮梁甫吟。田疆古冶氏。注。田開疆。古冶子。原本。田訛陳。古訛顧。並據晏子春秋改。

卷三十七 銘箴頌

周武王席銘。所監不遠。視邇所代。原本。邇訛爾。據大戴禮改。

揚雄酒箴。不如鴟夷。注。韋囊以盛酒。卽今鴟夷。勝也。原本。以訛之。又脫勝也二字。又盡日盛酒。原本。盡

訛畫。並據漢書改增。

潘尼乘輿箴。將以導羣生之性。而理萬物之情。原本。脫萬字。據晉書增。

馬融廣成頌。淺陋鄙薄。不足觀省。原本。薄下衍臣字。又田開古冶。注。事景公以勇。原本。脫以字。又水

禽注膏可以瑩刀劍原本膏訛妄並據漢書刪增改。

潘尼釋奠頌於是牲饋之事既終及本脫是字又乃盥乃薦原本盥訛盟並據晉書增改。

卷三十九祭文

庾闡祭賈誼文苟云其雋誰與比傑原本云訛得據晉書改。

蘇門六君子文粹不著編輯人名氏

卷三

張耒禮論夫讀書者觀言以取訓刊本脫讀字又則慎其終以輔翼之刊本慎訛小並據古論大觀增改。

卷五

德宗論李師道王承宗之徒刊本脫王字今增。

卷八

蕭何論木之有根刊本有訛爲據古論大觀改。

卷十

孔光論秦世舞文人心自危刊本舞訛無據古論大觀改。

卷十一

至誠篇。故使百姓以禮樂為異觀。而治國以禮樂為贅疣者。刊本。疣訛龐。今改。

卷十三

力政篇。蓋召公聽男女之陰訟。而舍於棠下。刊本。聽訛乃。據宋文鑑改。

卷十九

上唐運判書。暴勝之禮雋不疑。刊本。暴訛慕。據漢書改。

卷二十三

秦觀主術篇。漢成帝用王鳳為大將軍。刊本。成訛武。據漢書改。

卷二十八

盜賊篇。若此之類。與夫捕獲亡逸賞罰之格。凡數十條。刊本。格訛俗。據名臣奏議改。

卷三十四

變化論。地道無成而代有終。刊本。代訛待。今改。

卷三十六

上岐公論薦士書。又為凡蔣邢茅胙祭之國。刊本。凡訛幾。據左傳改。

卷四十

黃庭堅書王荆公騎驢圖。過八功德水。逍遙游亭之上。刊本。功訛宮。今改。

卷四十四

陳師道顏師道詩序。無臺池苑。園鳥獸魚鼈之美。刊本。苑訛花。今改。

卷四十五

李廌慎兵論。武威僭耳。刊本。僭訛澹。據漢書改。

卷四十六

奇正論。故四爲正。四爲奇。刊本。上四字訛。以據古論。大觀改。

卷五十一

晁補之祭仲廢立論。齊人殺子齊。刊本。子訛人。據左傳改。

卷五十四

張釋之以貲爲郎論。與兄仲同居。刊本。與訛以。據漢書改。

汲黯清淨論。擇丞史任之。責大指而已。刊本。脫擇字。據漢書改。

卷六十一

高祖德劉知遠論。恥與杜重威同制。刊本。杜訛壯。據五代史改。

三國志文類 不著撰人名氏

卷二

魏明帝追尊高祖高后畢。降此詔。諸侯入奉大統。則當明爲人後之義。刊本人訛爲。據三國志改。

卷十二

吳虞翻上易注。又奏潁川荀詵。號爲知易。刊本。謂訛謂。據三國志改。

卷十五

蔣濟言征役怨曠疏。願大簡賢妙。足以充百斯男者。刊本。充訛足。據三國志改。

卷十六

杜恕請刺史勿領兵疏。政平故民富實。刊本。實訛貴。據三國志改。

卷二十一

蜀蔣琬上襲魏疏注。會舊疾連動。未時得行。刊本。疾訛候。據三國志改。

卷三十四

孫資伐吳對。是有法禁上下相奉持之。刊本。有訛以。據三國志改。

卷三十七

曹髦帝王優劣議。顧所遇之時殊。故所名之功異耳。刊本下所字訛作。據三國志改。
夏侯元時事議。臺閣則據官長能否之第。刊本據訛處。據三國志改。

卷四十五

太祖與荀彧書。何意卒爾失之。刊本卒訛所。據三國志改。

卷四十六

太子與吳質二書。足下所治僻左。書間致簡。益用增勞。刊本勞訛損。據三國志改。

卷四十九

吳周魴誘曹休牋。又已勅之到州。刊本已勅二字互倒。據三國志改。

卷五十二

蜀陳壽評後主。自亮沒後。茲制漸虧。優劣著矣。刊本脫優字。據三國志增。

十先生輿論前集注 不著編輯人名氏

卷九

劉穆元既濟未濟論。不啻高屋建瓴水之易易矣。原本脫屋字。建瓴二字互倒。據漢書增改。
易統後題論。古人品第三易注。言易道周普。無所不備。原本周訛得。據周易正義改。

卷十一

張震詩論。子琴張臨尸而歌。注。記檀弓。子張旣除喪而見。案臨尸而歌。出莊子大宗師篇。此訛引檀弓。又合子琴張與子張爲一人。誤。

卷十二

陳傅良屯田論。蕭俛段文昌之徒。注。謂四方無虞。原本。虞訛與。據唐書改。

卷十三

謀論。上黃池之會。注。句踐聞夫差。且以報越。原本。聞訛間。且訛自。並據史記改。
形勢論下。向非劉表之庸。注。平旦信建大將旗鼓。原本。建訛寔。據漢書改。

十先生輿論後集注 不著編輯人名氏

卷一

程頤顏子所好何學論。牾其性而亡之。原本。牾訛酷。又凡學之道。正其心養其性而已。原本。脫已字。
又以博聞強記。巧文麗詞爲工。原本。工訛之。並據性理精義改增。

卷二

胡寅東漢論下。由是賢人君子。注。唐兩墮。案資治通鑑作兩墮。此從後漢書注。

卷三

張枻謝安論淝水之戰注。遂麾使却陣衆因亂不能止。原本却訛部。據晉書改。

卷五

陳傅良周公論石碯殺州吁注。陳桓公方有寵于王。原本寵訛能。據左傳改。

卷七

張釋之論唯王及后世子之膳不會。原本膳訛善。據周禮改。

卷八

士論隕石妖也。注。隕石二。黑如鬣。原本黑訛里。鬣訛磬。並據漢書改。

卷九

楊時章元成論。如是則祭與不祭。注。廟歲二十五祠。原本祠訛所。據漢書改。

十先生輿論續集注。不著編輯人名氏。

卷六

呂祖謙韓延壽論。東郡馮翊。原本郡訛都。據漢書改。

卷八

漢輿地圖序而職方氏之圖注其澤藪曰大野案周禮職方氏九州俱有澤藪此獨于兗州言之而八州則略而不言當是誤脫

卷十三

葉適府兵論後來法度漸修注府置折衝都尉一人原本置訛衛據唐書改

卷十五

士風論一時風俗注專管機事原本專訛傳機訛批據漢書改

詩家鼎鑪不著選輯人姓名

卷上

周端臣劉寺墳園榮華肯信當年夢原本脫榮字據西湖遊覽志增

卷下

游次公早起宿雨未乾池館靜原本池訛地今改
游九公答黃叔暘斂翼退遵渚原本翼訛翌今改

唐詩鼓吹元郝天挺注

卷三

楊巨源述舊紀勳寄太原李光顏詩。弟兄間世真飛將。注李光顏少隨兄光進馬燧救臨洺案唐書光進從馬燧救臨洺有功歷兼御史大夫光進爲都將時光顏亦至大夫故軍中號大小大夫未嘗言光顏從光進及燧也此注誤。

卷七

李商隱碧城女牆無樹不棲鸞。注女牆言卑小比之于城如女子之于丈夫也案女牆義山集作女牀山海經女牀山有鳥如翟日鸞見則天下寧此句云棲鸞則爲用女牀山事無疑牆字蓋轉寫之訛郝氏從而爲之辭殊誤。

無題宓妃留枕魏王才。注余情悅其淑美兮心振蕩而不怡刊本怡訛移據文選改。

卷八

羅隱牡丹芙蓉何處避芳塵。注陸機大暮賦云播芳塵之馥馥案播芳塵之馥馥是文賦中句塵本作麩此注引爲大暮賦誤。

卷九

譚用之送僧中孚南歸片帆香掛橘洲烟。注諺有云昭潭無底橘洲浮刊本諺有訛作洲詩據錄異記改。

卷十

韋莊長安清明。上相閒分白紙錢。注唐王嶼專以祠神。宰相漢以來。葬喪瘞錢。後世俚俗相傳。稍以紙寓錢。至是嶼乃用之。案白紙錢。鄭谷集及才調集。並作白打錢。劉向別錄云。寒食蹋鞠。黃帝所造。唐輦下記云。寒食新進士置打毬之宴。蹴鞠譜云。曳開大踢名白打。王建宮詞所云。寒食內人常白打。庫中先賜與金錢。亦謂此也。此詩題是清明。故用白打事。注引王嶼事。殊誤。

瀛奎律髓 元方回編

卷一

李白秋登宣城謝朓北樓。山色望晴空。案色太白集作曉。又臨風憶謝公。案憶太賦集作懷。

卷四

白居易杭州春望。紅袖織綾誇柿蒂。原本蒂訛葉。據長慶集改。

卷十

王灣次北固山下。原本脫王灣二字。據國秀集增。

卷十二

杜甫秋夜步檐倚杖看牛斗。原本檐訛蟾。據工部集改。

卷二十四

陳子昂送魏大將軍勿使燕然上。獨有漢臣功。案獨有。全唐詩作惟留。臣作將。

卷二十八

梅堯臣春日拜隴經田家。丹杏破萼場圃頭。原本萼訛類。據宋詩鈔改。

卷二十九

于武陵友人南遊不回。鄂杜月頻滿。注。京兆府有鄂縣。原本。鄂下行杜字。據漢書刪。
皇甫冉歸渡洛水。豐浦饒芳草。原本。饒訛無。據全唐詩改。

卷三十五

崔顥題潼關樓。川從峽路去。案峽。全唐詩作陝。

梅花百詠 元馮子振釋明本全撰

紙帳梅。注。亂插繁華向晴昊。原本。昊訛空。據杜工部詩改。

宛陵羣英集 元汪澤民張師愚同編

卷一

張師愚古詩四首。案此詩原本缺名。據宛雅補。

其一控拳拉鬣虎餘勇殊未央。回車宴五柞舉烽令行觴。禾黍被中野松栢生高岡。案回車四句宛雅脫去。惟永樂大典具載全篇。

其二峩峩切雲冠奕奕芙蓉劍。揚揚徒旅繁濟濟駕紫燕。行行向雙闕去上未央殿。君明臣亦良四海皆清晏。齋房多靈芝郊藪鳳凰見羣臣亦何爲稱功勸封禪。

其中夜整冠帶覽彼明月光屏營不能寐憂心獨怛怛危坐待明發牽牛直南榮。盈庭樹蘭蕙芬馨日凋零。客行隨所適感物懷故鄉朝發鴈門道夕入蘭臺宮。佳賓會若雲列鼎吹笙簧終歲極燕樂保已有餘慶。以上二首宛雅脫去。惟永樂大典具載全篇。

其四霓旌導絳節授以長生方湛然守中局不迎亦不將。案湛然二句宛雅脫去。惟永樂大典具載全篇。張師魯案魯一作曾今從宛雅。

卷二

施桐送敬亭李有成歸覲君家騎鯨仙山色看未了雲仍此焉集煙霞恣幽討東城一相遇襟抱倏傾倒。相知意方新子行計復早願言襲先芬重看拾瑤草。案此詩原本缺名今據宛雅補。又東城以下六句宛雅全脫。惟永樂大典具載全篇。

何儒行擬古三首案此詩原本缺名據宛雅補。

許晞賢案晞賢宛雅作希賢。

卷三

劉有慶效長吉體。老羌踏歌歌勅勒。黃金流星酒杯窄。原本勅訛軟。案古詩有勅勒歌。據改。

汪珍孫逸夫書堂作。又疎齋先生賦湖陰曲。書以爲贈。予遂賦一首。案此二詩原本缺名。據宛雅補。

王虎臣題古硯。案此詩原本缺名。又蠶婦嘆。案此首永樂大典失載題目。並據宛雅補。

凌希惠題太平汪公仲雲松樓。原本題訛謝。據宛雅改。

卷四

侯賓于案于。宛雅作宇。宣城縣志亦作于。

高德壽。原本壽訛熹。據宛雅改。

卷五

陳天麟旌德道中。案此首原本缺名。據宛雅補。

王儒珍書淮陰傳後一首。案此首原本缺名。據宛雅補。

王璋謝貢仲章惠羅帶古鏡。紫織文何麗。青銅瑩欲流。何殊鑿鑑重。愧乏紵衣酬。寬覺腰圍減。明嫌鬢影

秋。雙珍無一稱。但感意綢繆。案此詩原本缺名。據宛雅補。又第五六句。宛雅載入逸句內。全詩久佚。惟

永樂大典具載全篇。

汪銖雪夜寒光主人別業。臨風雪夜清。相對有閒僧。坐久然松火。眠遲話葛藤。天寒悲短褐。窗冷翳殘燈。

到此忘機慮。欲歸猶未能。案此詩原本缺名。據宛雅補。又第三四句。宛雅載入逸句內。全詩久佚。惟永樂大典具載全篇。

梅德明和汪叔志晚望山門韻。山門藏絕境。青壁上參天。石漏窗中月。巖通洞底泉。幽期恐搖蕩。晚望每流連。遠憶瞿剛老。神交碧落邊。案第三四句。宛雅載入逸句內。全詩久佚。惟永樂大典具載全篇。

何致中深秋。桂染花三色。簾飛水一灣。苦吟生白髮。歸夢繞青山。雨久琴絲潤。風清扇影閒。遠遊元未厭。邱壑可躋攀。案苦吟四句。宛雅載入逸句內。全詩久佚。惟永樂大典具載全篇。

張師愚送陳公輔之采石院長。鶯花迎曉色。書畫載輕舸。肯道儒冠誤。翻嫌幕府勞。載眉上碧落。牛渚送春濤。地勝仍多暇。吟詩弔錦袍。案第五六句。宛雅載入逸句內。全詩久佚。惟永樂大典具載全篇。

卷六

張師魯送吳子彥宰辰溪。丞相忠言在。郎官世胄華。地偏須卯酒。心澹養辰砂。荒服無論遠。皇風孰有涯。鳴琴何所樂。稼穡與桑麻。案第三四句。宛雅載入逸句內。全詩久佚。惟永樂大典具載全篇。

吳鏌象山書院卽事。我本閩中客。因人得勝遊。泉聲晴亦雨。山氣夏先秋。舊友能青眼。新知豈白頭。開懷盡樽俎。更爲月巖留。案第三四句。宛雅載入逸句內。全詩久佚。惟永樂大典具載全篇。

汪士深題劉氏嘉秀園。行過雙橋路。尋春到小園。雨香林下屐。花影席間尊。託興惟泉石。流芳到子孫。非君能愛客。風月更誰論。案第三四句。宛雅載入逸句內。全詩久佚。惟永樂大典具載全篇。

施坦孟冬過劉氏園。蠟屐乘閒日。芳園適趣時。亂聲秋樹葉。寒色晚花枝。客裏無遺景。年華輒入詩。優哉聊復爾。何用嘆棲遲。案第三四句。宛雅載入逸句內。全詩久佚。惟永樂大典具載全篇。

和梅叔章閒居。彭澤歸來後。門前柳五株。心閒四時樂。塵累一毫無。香結幽蘭佩。詩裁明月珠。襟懷任曠達。寧有類拘儒。案第五六句。宛雅載入逸句內。全詩久佚。惟永樂大典具載全篇。

王時中送吳起季溫州學正。十載儒官冷。新除又遠州。七山如北斗。多士數東甌。江樹城西晚。黃柑海上秋。橫經有餘暇。鴈蕩足清游。案第五六句。宛雅載入逸句內。全詩久佚。惟永樂大典具載全篇。

胡元舉送歐陽生歸省。甥館琴書樂。胡然賦式微。定應烏反哺。況有鳳于飛。江雨催行棹。秋風吹客衣。行當榮祿養。作吏未爲非。案第五六句。宛雅載入逸句內。全詩久佚。惟永樂大典具載全篇。

王鼇叟送崔錄事。籍甚霜臺客。云何滯錄曹。常關羅雀戶。焉用割雞刀。事劇心常易。官卑名自高。乘聽應不遠。去思繞江臯。案此詩原本缺名。據宛雅補。又第三四句。宛雅載入逸句內。全詩久佚。惟永樂大典具載全篇。

荀原道城中晚歸卽事。催歸啼更急。相望白雲還。西日眩行色。東風醒醉顏。僧歸黃蘗寺。鳥盡敬亭山。候騎且莫迫。月明溪一灣。案第五六句。宛雅載入逸句內。全詩久佚。惟永樂大典具載全篇。

李震午自笑。旁郡方戈甲。幽居獨草萊。月隨雲影沒。風挾鴈聲來。自笑生涯拙。仍嫌歲序催。有山堪著眼。無客共銜杯。案第三四句。宛雅載入逸句內。全詩久佚。惟永樂大典具載全篇。又原本挾訛扶。據宛雅

改。

師敏自述。對花驚鶴髮。種竹作菟裘。每惜陶元亮。空懷馬少游。飲河期偃鼠。篆壁笑蝸牛。獨有琴書味。雖貧老不休。案第五六句。宛雅載入逸句內。全詩久佚。惟永樂大典具載全篇。

潘鉉。挽劉竹所。屋角爲鄰並。書聲隔戶聞。三年湖海去。一別死生分。黃壤蒙新棘。青編冷舊芸。故人何處所。楚竹慘溪雲。案第五六句。宛雅載入逸句內。全詩久佚。惟永樂大典具載全篇。

卷七

李含章。武陵護戎林亭。修篁簇徑出林椒。原本出作若。據宛雅改。

李宏遊天休觀。道流索詩。霓旌羽蓋下飛仙。名揭司真列洞天。一派銀河懸落水。數峰石壁鎖霏烟。潭心雷殷龍應出。井口風迴虎未旋。端欲相從老巖壑。凌雲已覺意飄然。案第三四句。宛雅集載入逸句內。全詩久佚。惟永樂大典具載全篇。

陳天麟壽洋川李守昌。諤其一。桂子風高瑞靄浮。曉來無處不懽謳。共懷襦袴歌廉范。更指龜蒙祝魯侯。風月莫辜三十咏。星霜行閱八千秋。皇家正重惟良寄。袞服歸公正黑頭。案此題三首。宛雅祇存一首。前一首已佚。惟永樂大典所載獨全。

胡榘。挽莫與倫。三顧無人憶草廬。藻江文海竟何如。馬卿早已羞逢掖。狗監誰能薦子虛。曠達嗣宗貧嗜酒。清高元晏老耽書。南州人物今如許。深惜霜林一夜疏。案第三四句。宣城縣志載入逸句內。全詩久

佚。惟永樂大典具載全篇。

王圭送李廉使之荆南。其一。銀漢星槎當好夜。渚宮烟樹正高秋。原本渚宮訛諸公。據元百家詩改。

王□小閣呈敬仲兄松。案此首原本缺名。據宛雅補。

汪鑫趙良巖知縣歲晚見訪。原本鑫字訛作金銓。據宛雅改。

贊徐容齋憲使。案此首原本缺名。宛雅作汪鑫。今據補。

汪銖上御史列位南臺肅紀綱。清冰出壑凜寒芒。乘驄秋入青山道。執簡朝凝白紵霜。鷹奮西風初搏擊。

鴻安中澤肯飛翔。此邦民瘼如堪畫。異日須將入皂囊。案第三四句。宛雅載入逸句內。全詩久佚。惟永

樂大典具載全篇。

卷八

貢奎寄張芳洲。又送謝明遠之官平江。案二詩原本缺名。並據宛雅補。

卷九

汪用敬送楊好古瀾東憲掾。才思飄飄迴不羈。青年高步際明時。黃堂雅望推三語。烏府先聲重四知。石

室嵐煙凝紫翠。蘭溪梅雨漲漣漪。公餘想遂登臨興。好把新吟慰我思。案第三四句。宛雅載入逸句內。

全詩久佚。惟永樂大典具載全篇。

施琪次丁志道憲使迎詔韻。其一。驛使傳宣到謝城。羣公聯轡出郊行。芝泥恩重春風暖。柏府雲開曉日

晴禮樂光華逢聖治。衣冠鼓舞慶文明。從知寰宇多生意。隨地欣欣草木榮。案第三四句。宛雅載入逸句內。全詩久佚。惟永樂大典具載全篇。

劉得之松棚一首。原本缺題。據宛雅補。

劉錫上左丞。早握兵衡晚廟堂。虎符珠顆粲龍章。賜衣新被乾坤澤。衛駕親承日月光。耿耿丹心依北闕。堂堂素節鎮南荒。書生敢恃宗盟舊。引領天風爲發揚。案第三四句。宛雅載入逸句內。全詩久佚。惟永樂大典具載全篇。

胡祺送憲使李正卿移節江陵。山立長身氣凜然。使君元是錦袍仙。星移玉節臨三楚。露貯冰壺下九天。碧樹渚宮秋色老。甘棠南紀晝陰連。姓名已報金甌覆。早作商霖遍八埏。案五六句。宛雅載入逸句內。全詩久佚。惟永樂大典具載全篇。

潘登雲讀蜀志有感。孔明廟柏蠶叢國。先主樓桑涿鹿州。魚水交情千載遇。風烟老樹幾回秋。魂飛故宇家何許。志在中原死未休。漢祚合歸眞帝胄。如何天不祚炎劉。案第三四句。宛雅載入逸句內。全詩久佚。惟永樂大典具載全篇。

卷十

施震仲寄朱理甫。別後誰憐久索居。寄書常恨便鴻無。青山招隱思佳士。白髮催人惜壯圖。休羨羊何臨海嶠。願如朱陸會鵝湖。肯來邂逅成清話。不用郾筒滿眼酤。案三四句。宛雅載入逸句內。全詩久佚。惟

永樂大典具載全篇。

趙由皦錢孔常軒館木塔寺東魯宣尼幾世孫。春風吹上育王垣。葛藤已許叅獅窟。竹簡何妨挾兔園。一變悠悠驚世夢。久晴脉脉落溪痕。長年來往城中路。木塔相尋不憚煩。案第三四句。宛雅載入逸句內。全詩久佚。惟永樂大典具載全篇。

孫煥文賀那僉事除學士。皇華江左遍咨詢。又趣行裝覲紫宸。玉笋聯班新學士。金蓮賜炬舊詞臣。天開熙治生時彥。地占深嚴隔世塵。聖代崇文千載遇。好將儒術展經綸。案第三四句。宛雅載入逸句內。全詩久佚。惟永樂大典具載全篇。

奚繼學挽趙陽山生辭。人生大夢誰能覺。衆醉昏昏公獨醒。半世虛名秋鬢白。一編實錄夜燈青。達觀共閱生前傳。諛墓何庸身後銘。未問蓋棺并荷鍤。相逢一笑且忘形。案第三四句。宣城縣志載入逸句內。全詩久佚。惟永樂大典具載全篇。

卷十一

送傅擴齋廉訪滿秩歸長安二十韻。原本誤附汪澤民案元百家詩。作王璋。今據補。

卷十二

陶應雷長門怨二十首。拜月香殘獨掩扉。玉塔風葉斷腸時。羊車知又向何處。空自將鹽灑竹枝。擬摘梅花貼鬢嬌。未曾掠削早無聊。承恩不似金盤雪。得到龍屏暖處消。漸聞金輿過鳳池。綠雲斜暉曉粧遲。

試陪杏苑尋雙蕊。暗卜東皇屬阿誰。水殿風生暑氣微。翠娥新寵實忘歸。誰知寂寞朱簾裏。臥聽笙歌半掩扉。玉階月映水晶宮。何日承恩浥露濃。天上佳期猶有準。一年一度定相逢。沈香亭畔百花開。知是君王宴賞來。遙聽簫韶聲九奏。何時得奉萬年杯。垂柳陰陰正日長。波澄太液午風涼。應知避暑披香殿。薄命無由侍玉皇。寶殿傳呼宴鳳樓。一天明月桂花秋。此時誰舞霓裳曲。寂寞深宮祇自愁。飛瓊冷入畫簷深。龍麝重熏翡翠衾。手撚梅花腸欲斷。不辭買賦費千金。脉脉無言傍鏡臺。曉粧應妒小桃腮。自憐不及雙飛燕。幾入昭陽深處回。風度荷花小殿香。淺沙依舊浴鴛鴦。御書翠扇恩猶在。偏憶金輿夜納涼。仙桂花開月漸明。惱人心碎是蛩聲。不禁枕畔梧桐落。欲夢君王夢不成。案此詩宛雅止存三首。宣城縣志雜記內止存一首。惟永樂大典所載獨全。

汪珍遊無爲庵案此詩原本缺名據宛雅補

玉山草堂集 元顧瑛撰

卷上

花遊曲立按鳴箏促象板。刊本按訛接今改。

卷下

記一首予與男輩尙在山中刊本男訛累今改。

玉山草堂外集

步虛詞。峨峩白玉京。刊本。京訛涼。今改。

元音遺響 元胡布撰

卷九

張達雜言。九師何區區。異論淆醜好。原本。淆訛清。今改。

卷十

劉紹同陳仲宣臨漳眺三臺感賦。構此睨霄漢。憑軒攬壯猷。原本。壯訛林。今改。

元詩體要 明宋公傳編

卷一

揭傒斯孔林圖。商氏圖之。式昭其敬。刊本。氏訛民。據元詩選改。

卷七

楊維禎吳詠。伍相祠前多翠微。刊本。相訛王。今改。

卷十

黃清老庚午興聖殿進史。瓊裾初進侍明光。日麗昆池晝漏長。刊本瓊裾訛瑤結。昆訛衆。今改。
傅若金壽王左丞焚香鳳閣春開宴。鳴玉龍墀午散朝。刊本開宴訛闌安。今改。

卷十二

張嘉夜宿通州楊太史宅。小市無燈月尙明。刊本尙訛當。今改。

明文衡明程敏政編

卷一

王禕方國珍除廣西行省右丞誥。刊本珍訛眞。據明史改。

卷二

劉基伐寄生賦。梟寄巢而母食。刊本食訛衾。據賦彙改。

王禕葯房賦。蕭艾蔽乎中野兮。菘菹薺其盈室。刊本菘菹訛作菹菘。據楚詞改。

卷九

胡翰衡運論。代父者長男也。刊本也下行從長男也四字。今刪。

卷十二

李賢物形說。蓋天一生水。刊本脫天字。今增。

卷十四

王直夷齊十辨。迂怪儒生。姓名莫辨。刊本迂怪訛遷性。今改。

卷二十一

王達陶華陽讚序。士之善于觀人者。往往不于其事之所已爲。刊本事訛所。今改。

卷四十五

王禕書鄭子美文集後。韓致堯所爲辭章。刊本堯訛元。據唐書改。

卷五十二

空同子瞽說。舞智用機。刊本智訛女。據空同子改。

卷六十四

蘇伯衡岐陽武靖王勳德碑。王諱文忠。字思本。姓李氏。刊本缺文忠二字。據明史補。

卷七十四

方希古東甌王謚襄武神道碑銘。德慶侯廖權。刊本脫慶字。據明史增。

卷八十

宋濂故翰林侍講學士危公新墓碑銘。宋景定某年進士。刊本脫定字。據宋史增。

卷八十六

胡廣浙江按察僉事劉公墓誌銘。決積歲滯獄。刊本滯訛治。今改。

卷八十七

楊溥故給事中李君墓誌銘。父季。封如其官。刊本脫父字。今增。

卷一百

彭時重修胡文定公書院記。越三月而告成。刊本越訛朔。又有關名教。刊本關訛觀。今並改。



著者 (清) 王太岳等撰

Author

書碼 082.47

Call No. 7437

書名

Title 四庫全書考證：(三六) 36

登錄號碼

Accession No. 007506

月日 Date	借閱者 Borrower's Name	月日 Date	借閱者 Borrower's Name

國立中央圖書館

082.47

書碼

7437

36

007506

登錄號碼

國立中央圖書館



0007506



47
7

譜